

**НЕДЕЛЯ ПРЕД РОЖДЕСТВОМ ХРИСТОВЫМ, СВЯТЫХ ОТЕЦ
НА ВЕЛИЦЕЙ ВЕЧЕРНИ:
НА ГОСПОДИ ВОЗЗВАХ**

Стихиры воскресны 3:

- 1. Стих:** Изведи из темницы душу мою, исповедатися имени Твоему.
- 2. Стих:** Мене ждут праведницы, дондеже воздаси мне.
- 3. Стих:** Из глубины воззвах к Тебе Господи, Господи, услыши глас мой.

И анатоліев 1, глас тойже.

- 4. Стих:** Да будут уши Твои внимлюще гласу моления моего.

Стихиры предпразднства, глас 6. Подобен: «Всю отложивше»:

- 5. Стих:** Аще беззакония назриши Господи, Господи, кто постоит?/
Яко у Тебе очищение есть.

**Незаходимое Солнце из девственных ложесн возсияти идёт,/ про-
светити всю подсолнечную,/ чистыми очесы и чистыми деяньми,/ про-
срести Сего потщимся и подъяти ныне уготовимся Духом,/ гряду-
щего во Своя, странным рождеством якоже благоволи:/ яко да уст-
раняйся ны едемскаго жития, возведет яко благоутробен, // в Виф-
лееме раждается.**

- 6. Стих:** Имене ради Твоего потерпех Тя Господи, потерпе душа моя
в слово Твое,/ упова душа моя на Господа.

**На плечах носимый херувимских Бог Слово,/ плоти по Ипостаси
соединився,/ во всенепорочное чрево вселися, и бысть Человек:/ и
на землю грядет, от Иудова племени родится./ Вертеп свят Всеца-
рю благоукрасися, яко величайшая палата:/ ясли же яко престол
огнезрачен:/ в нихже яко Младенца, Дева Мариа полагает, // во об-
новление создания, Неопределенного.**

7. Стих: От стражи утренняя до ночи, от стражи утренняя, / да упова-
ет Израиль на Господа.

В безсловесных яслех Тя полагает Дѣва, / Божие Слово безнача-
льное, / начало приемшее паче ума: / мое бо разрешити безсловес-
ие грядеши, / еже подъях завистию зминою: / пеленами же пови-
тися, / яко да расторгнеши рубы, и пленицы прегрешений моих, /
едине Блаже и Человеколюбче. / Темже Тя славлю, пою и покла-
няюся / прерадостно во плоти пришествию Твоему, // ъмже свобо-
дихся.

Стихиры святых отец. Глас и подобен тойже:

8. Стих: Яко у Господа милость, и многое у Него избавление: / и Той
избавит Израиля от всех беззаконий его.

Явися мира концем праотцев память, / света истинно исполнена, / и
зарями благодати сияющи, / Христос бо Солнце светлое, / свыше
просияв издалеча, / звезд собор ведет, с Ним возсиявший: / и рож-
дство Богочеловечное является внутрь Вифлеема быти. / Всеи убо
верую Сего рождество, / благочестно плещущи ликуюм, // хвалу пре-
депразднственную.

9. Стих: Хвалите Господа вси языцы, / похвалите Его вси людие.

Славою украшаются Божественнаго причастия, / Адам радуясь
днесь, яко основание и утверждение праотцев мудрых: / совзыграет
же Авель, и Енох веселится, / и ликует Сиф, и Ное купно: / с патри-
архи же поет Авраам всехвальный: / и рождение без Отца ныне
Мелхиседек видит свыше. / Темже божественную память Христо-
вых праотцев и мы совершающе молим, // спастися душам нашим.

10. Стих: Яко утвердися милость Его на нас, / и истина Господня
пребывает во век.

Облиста весело иже в печи детей богомудрых собор, / и Христово
рождество проповедует на земли: / яко бо честная роса низшед Гос-
подь, / Рождшую спасает неопальну, / соблюдает непорочну, / и
обогащает Божественными дарованиями. / Темже и богоприятный ра-
дуется Даниил веселясь: / камень бо из горы несечен провидя яве, //
со дерзновением молится ныне о душах наших.